

So kündeſtu nicht beſetzen ſin
 Markis nu nim di truwe min
 Iſt mir leit daz ichz tet
 Ich gelobe dir hi an dirre ſtet
 Daz ichz getün nümer me
 Du taten ſi den widker
 Hin gegen paris der ſtat
 Lops willehalmen vat
 vliſekliche vñ ſtarke
 Dar her wider neme di marke
 In ſwaz her wolte der lande
Her ſprach daz wer ſchade
 vñ gar vnerlich minne küne
 wordich ein abtrüne
 Swaz mir got hat geboten
 vñ impoten bi ſinen boten
 Des wil ich vil gehorſam ſin
 Swo ſich min ſin gerichtet hin
 Daz wil ich v tparen
 In eine wuſtenüge varen
 Bi müntpalire nahen
 Dar zu eime cloſtere uahen
 Zu eren der reine magit
 Di an helpe iſt vndzagit
 Swer iſt an ſi ſucht
 Ob iſt criſt ir ſon gerucht
 So buwe ich da i irme name
 Des ſich ſol nicht min ſeleſchame
 Nu ſage mir lieber kylames
 wiltu mich ir widen des
 Markis du in wollis dar
 So wil ich dir geben gar
 Swes din lip bedarf dar zu
 ſlein ich wil ſpate vnde vru
 dar zu arbeiten minne lip
 Markis mir vrodē nicht vñrip
 Des wil ich binē dich dorſch got
 Iſt wē gar d' lūre ſpot
 Ob du min gur v ſprechis
 Dine truwe du dar an brechis

Di du mir dicke ir ceigit has
 wizze daz di an mir begas
 Daz vmer trurit mir der ſin
 Ob dir vsmahit di gabe min
 Bre mir vsmahit nicht
 Swaz dūſtes van v geſchicht
 Daz ir mir ſendit künmich dar
 Des nem ich allo gute war
 Daz iſt vch an der ſele vromit
 So ſi van dem libe künmit
 Des antwort ime künig lops
 Wilhalm lib markis
 Tu ein dink des ich dich bite
 Du eris du din ſelte mite
 Daz du wolles ſehen di ſweſt din
 Di hat künmerlichen pin
 nach dir ſuzer man ir liden
 Daz ſi em ſterben hat vmiten
 vorwar dar ligt ein wūd an
 Nu gewere mich vil lib man
 So kan vns lieber nicht geſchen
Herre ich wil ſi gne ſehn
 Ob iſt hi bi ſo nahen iſt
 Wan ich wil in kurcer vriſt
 Der uaren dar mir iſt gegeben
 Sin heimut wile ich han daz leben
 Nu quamē ſi zu paris
 Dar begūde man den markis
 vil vliſekliche ſchouen
 Rittē vñ werte vrowen
 Beide arm vñ riche
 Di wunſcheten alle gluche
 Daz got en gar gewerte
 Swes her mit flize gerte
 Des werten mā vil ſchone pflag
 Du ir lichte der andere tag
 Kege kūrtenoſe ſi riten
 vil vngne hette ſi daz v miten
 Di was allur ſchandē bar
 Di quā kege irme brude dar